



Broj: 10-05-15390/17
Sarajevo, 29.06.2017. godina

SKUPŠTINA KANTONA SARAJEVO
-Služba za skupštinske poslove-

PREDMET : Odgovor na zastupničku inicijativu

Zastupnik Fikret Prevljak je na 28. Radnoj sjednici Skupštine Kantona Sarajevo, održanoj dana 26.04.2017. godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovnikom Skupštine Kantona Sarajevo, pokrenuo zastupničku inicijativu :
„da se u organizacionu jedinicu Dom zdravlja Ilijadža primi određeni broj ljekara i medicinskih sestara/tehničara a kako to zahtijevaju standardi i normativi iz oblasti zdravstvene zaštite u odnosu na broj stanovnika“.

U vezi sa postavljenom zastupničkom inicijativom dostavljamo slijedeći:

O D G O V O R

Ministarstvo zdravstva je zatražilo mišljenje JU Dom zdravlja Kantona Sarajevo o pokrenutoj inicijativi, a koji dostavljamo u prilogu akta.

Iz navedenog se može zaključiti da Menadžment JU Dom zdravlja Kantona Sarajevo prati rad svih organizacionih jedinica i nastoji održati kontinuitet pružanja zdravstvene zaštite stanovništvu, pa tako i građanima Općine Ilijadža. Činjenica je da se proces rada u potpunosti nikada ne obustavlja iz bilo kojeg razloga, nego povremeno određene službe rade sa umanjenim brojem kadra iz opravdanih razloga (bolovanja i sl.), što dovodi do otežanog pružanja zdravstvene zaštite.

Takođe želimo istaći da je Ministarstvo zdravstva na zahtjev JU Dom zdravlja Kantona Sarajevo dalo saglasnost za prijem dva specijalista pedijatrije kao i jednim doktorom medicine u službi porodične medicine.

U narednom periodu će Menadžment izvršiti preraspodjelu srednjeg medicinskog kadra, a očekuje se i povratak dvije doktorice sa porodiljskog bolovanja.



**JAVNA USTANOVA
DOM ZDRAVLJA
KANTONA SARAJEVO
GENERALNI DIREKTOR**
Datum: 23.06.2017
Broj: 01-05-4439-2/7

BIH

FBIH

**Ministarstvo zdravstva:
Reisa Džemaludina Čauševića 1
71 000 Sarajevo**

n/r Zilha Ademaj, dipl.ecc., ministrica



PREDMET: Dostava mišljenja

- veza Vaš akt br 01-05-15390/17, od 27.04.2017 godine .


U skladu sa Vašim dopisom br 01-05-15390/17, od 27.04.2017. godine u kojem zahtjevate da dostavimo mišljenje na inicijativu zastupnika Fikreta Prevljaka, a koja se odnosi na potrebu prijema određenog broja ljekara i medicinskih sestara/tchničara, oavještavam Vas o sljedećem:

- Menadžment JU Dom zdravlja Kantona Sarajevo kontinuirano prati rad svih organizacionih jedinica i područnih ambulanti, te u slučaju povećane potrebe za kadrom određene struke uzrokovane većim prlivom pacijenata, obezbjeđuje dodatni kadar i opremu u skladu sa svojim mogućnostima. Takođe, slažemo se da se dese povremeni zastoji u procesu rada uzrokovani nenadanim odsustvima kadra (duga bolovanja, porodiljska odsustva, trudnička bolovanja, raskidi Ugovora o radu zbog odlaska u inostranstvo i sl.), ali se nikad ne dešava obustava procesa rada u potpunosti iz bilo kojeg razloga. U skladu sa rečenim, stojimoiza činjenicu da se stanovništvu Općine Ilidža pruža adekvatna i kontinuirana zdravstvena zaštita u skladu sa ljudskim i tehničkim resursima, kao i važćim normativima propisanim od relevantnih institucija nadležnih za resor zdravstva u Kantonu Sarajevu.
- Problem kadra u Dispanzeru za predškolsku djecu i Dispanzeru za školsku djecu i omladinu je u postupku rješavanja, te je u skladu sa odobrenjima Vlade Kantona Sarajevo od 22.03.2017. godine, predviđen prijem dva specijalista pedijatrije, po jedan u naprijed navedene dispanzore. Jedan ljekar navedene struke je počeo raditi od 16.05.2017. godine, a drugi u narednom periodu, dok riješi svoj radno – pravni status

u drugom Kantonu gdje je trenutno zaposlen. Posebno ističemo činjenicu da je menadžmet Ustanove uložio dodatni napor kako bi uspio angažovati navedene ljekare, s obzirom na veliki nedostatak istih na tržištu rada.

- Služba porodične medicine OJ DZ Ilidža je u prethodnom periodu popunjena sa još jednim doktorom medicine, u skladu sa odobrenjem Vlade Kantona Sarajevo. Ustanova je od resornog ministarstva tražila angažman za još četiri doktora medicine, te će u slučaju odobrenja a u skladu sa potrebama OJ DZ Ilidža biti preraspoređen još jedan ljekar. Takođe očekujemo povratak dva ljekara sa porodilijskog odsustva, čime će norme kao i potrebe stanovništva u potpunosti biti zadovoljene. Isti tako menadžment Ustanove se obavezuje da će u narednom periodu izvršiti dodatnu analizu srednjeg medicinskog kadra te će u slučaju potrebe omogućiti preraspored medicinskih sestara/tehničara.

S poštovanjem,



DOSTAVITI:

- Naslovu
- a/a